


«ՀԱՍՏԱՏՎԱԾ»
ԱՐԱՐԱՏԲԱՆԿ ԲԲԸ
խորհրդի «26» հոկտեմբերի 2021թ.
թիվ 43/Լ-Հ որոշմամբ
Խորհրդի նախագահ
Գրիգոր Հովհաննիսյան _____



ԿԱՐԳ

**ԱՆԿԱԽ ԱՈՒԴԻՏՈՐԱԿԱՆ ԿԱԶՄԱԿԵՐՊՈՒԹՅԱՆ
ԸՆՏՐՈՒԹՅԱՆ**

Ուժի մեջ է՝ 2021թ-ի հոկտեմբերի «26»-ից

	<p>Կարգ Անկախ աուդիտորական կազմակերպության ընտրության</p>	<p>Կող: ԿՐԳ 19-01 Խմբագրություն: 03 Դաս: ՆՔ Ամսաթիվ: «26» հոկտեմբերի 2021թ.</p>
---	---	---

ԲԱԺԻՆ I. ՆՊԱՏԱԿԸ, ԿԻՐԱՌՄԱՆ ՇՐՋԱՆԱԿԸ, ԱՌՆՉՎՈՂ ՓԱՍՏԱԹՂԹԵՐԸ ԵՎ ՍԱՀՄԱՆՈՒՄՆԵՐԸ

ԳԼՈՒԽ 1. ՆՊԱՏԱԿԸ


1. Անկախ աուդիտորական կազմակերպության ընտրության կարգով սահմանվում են ԱՐԱՐԱՏԲԱՆԿ ԲԲԸ-ի կողմից մրցույթների անցկացման նպատակով անկախ աուդիտորական կազմակերպություններին ներկայացվող պահանջները և չափանիշները, մրցութային առաջարկությունների գնահատման մեթոդները, մրցույթների կազմակերպման, անցկացման և արդյունքների ամփոփման կարգն ու ժամանակացույցը:

ԳԼՈՒԽ 2. ԿԻՐԱՌՄԱՆ ՇՐՋԱՆԱԿԸ

2. Անկախ աուդիտորական կազմակերպության ընտրության կարգի պահանջները տարածվում են անկախ աուդիտորական կազմակերպության ընտրության գործընթացներում ներգրավված ԱՐԱՐԱՏԲԱՆԿ ԲԲԸ աշխատողների վրա:

ԳԼՈՒԽ 3. ԱՌՆՉՎՈՂ ՓԱՍՏԱԹՂԹԵՐ

3. Անկախ աուդիտորական կազմակերպության ընտրության կարգն առնչվում է հետևյալ հիմնական փաստաթղթերի հետ.
 - 1) «Բանկերի և բանկային գործունեության մասին» ՀՀ օրենք:
 - 2) «Աուդիտորական գործունեության մասին» ՀՀ օրենք:
 - 3) ՀՀ ԿԲ Խորհրդի 2013 թվականի ապրիլի 16-ի թիվ 102-Ն որոշմամբ հաստատված «Բանկերի ներքին հսկողության իրականացման նվազագույն պայմանները» Կանոնակարգ 4:
 - 4) ՀՀ ԿԲ Խորհրդի 2011 թվականի մարտի 1-ի թիվ 39-Ն որոշմամբ հաստատված «Հայաստանի Հանրապետության տարածքում գործող առևտրային բանկերի կողմից անկախ աուդիտորական կազմակերպության ընտրության կարգ»:
 - 5) ԱՐԱՐԱՏԲԱՆԿ ԲԲԸ Խորհրդի 2021 թվականի հունվարի 14-ի թիվ 02/01Լ-Հ որոշմամբ հաստատված «Իրավական ակտերի նախագծերի պատրաստման և ընդունման կարգ»:
 - 6) ԱՐԱՐԱՏԲԱՆԿ ԲԲԸ Խորհրդի 2019 թվականի հուլիսի 10-ի թիվ 27/03Լ-Հ որոշմամբ հաստատված «Բանկի տեղեկատվական ակտիվների դասակարգման և նույնականացման կարգ»:

	<p style="text-align: center;">Կարգ Անկախ աուդիտորական կազմակերպության ընտրության</p>	<p>Կող: ԿՐԳ 19-01 Խմբագրություն: 03 Դաս: ՆՔ Ամսաթիվ: «26» հոկտեմբերի 2021թ.</p>
---	---	---

7) ԻՍՕ/ԻԷԿ 27001 «Տեղեկատվական տեխնոլոգիաներ. Անվտանգության ապահովման մեխանիզմներ. Տեղեկատվական անվտանգության կառավարման համակարգեր. Պահանջներ»:

ԳԼՈՒԽ 4. ՍԱՀՄԱՆՈՒՄՆԵՐ ԵՎ ՀԱՊԱՎՈՒՄՆԵՐ

4. Անկախ աուդիտորական կազմակերպության ընտրության կարգում օգտագործվում են հետևյալ հիմնական հասկացությունները՝
- 1) **Բանկ**՝ ԱՐԱՐԱՏԲԱՆԿ ԲԲԸ:
 - 2) **Կարգ**՝ Անկախ աուդիտորական կազմակերպության ընտրության կարգ:
 - 3) **Աուդիտորական կազմակերպության պատասխանատու աուդիտոր**՝ Աուդիտորական կազմակերպության աուդիտորական եզրակացությունը ստորագրող աշխատակից:
 - 4) **Աուդիտոր իրականացնող խումբ**՝ Աուդիտորական կազմակերպության աշխատակիցների խումբ, որն անմիջականորեն ընդգրկված է Բանկի ֆինանսատնտեսական գործունեության աուդիտի իրականացման մեջ:
 - 5) **Ֆինանսական կազմակերպություն**՝ Բանկ, վարկային կազմակերպություն, ապահովագրական ընկերություն, ներդրումային ընկերություն, ներդրումային ֆոնդի կառավարիչ
 - 6) **Հանձնաժողով**՝ Անկախ աուդիտորական կազմակերպության ընտրության մրցութային հանձնաժողով:

ԳԼՈՒԽ 5. ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ


5. Խմբագրություն 03, փոփոխություններ չկան:

ԳԼՈՒԽ 6. ՀԱՎԵԼՎԱԾՆԵՐ

6. Կարգն ունի հետևյալ հավելվածները.
- 1) Հավելված 1՝ Մրցույթի մասին հրապարակային ծանուցման ձև:
 - 2) Հավելված 2՝ Գրանցամատյան՝ Անկախ աուդիտորական կազմակերպության ընտրության հայտերի:
 - 3) Հավելված 3՝ Տեղեկանք՝ մրցույթի հայտն ընդունելու վերաբերյալ:
 - 4) Հավելված 4՝ Տեղեկանք՝ մրցույթի հայտը մերժելու վերաբերյալ:

ԲԱԺԻՆ II. ՆԿԱՐԱԳՐՈՒԹՅՈՒՆ


ԳԼՈՒԽ 1. ԸՆԴՀԱՆՈՒՐ ԴՐՈՒՅԹՆԵՐ

	<p>Կարգ Անկախ աուդիտորական կազմակերպության ընտրության</p>	<p>Կոդ: ԿՐԳ 19-01 Խմբագրություն: 03 Դաս: ՆՔ Ամսաթիվ: «26» հոկտեմբերի 2021թ.</p>
---	---	---

7. Բանկի կողմից Անկախ աուդիտորական կազմակերպության ընտրությունը կատարվում է «Բանկերի և բանկային գործունեության մասին», «Աուդիտորական գործունեության մասին» Հայաստանի Հանրապետության օրենքների, ինչպես նաև աուդիտորական գործունեությանը վերաբերող նորմեր պարունակող այլ օրենքների և իրավական ակտերի ու Կարգի դրույթների համաձայն:

ԳԼՈՒԽ 2. ԱՆԿԱԽ ԱՈՒԴԻՏՈՐԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ ԸՆՏՐՈՒԹՅԱՆԸ ՆԵՐԿԱՅԱՑՎՈՂ ՊԱՀԱՆՋՆԵՐԸ ԵՎ ՉԱՓԱՆԻՇՆԵՐԸ

8. Բանկին աուդիտորական ծառայություններ կարող են մատուցել միայն ՀՀ Կառավարության կողմից լիազորված պետական կառավարման մարմնի կողմից տրված աուդիտորական գործունեություն իրականացնելու լիցենզիա ունեցող և բանկի աուդիտի իրականացման առնվազն 5 տարվա աուդիտորական աշխատանքի փորձ ունեցող աուդիտորական կազմակերպությունները: Ընդ որում, 5 տարվա աուդիտորական աշխատանքի փորձի պահանջը չի տարածվում միջազգային ճանաչում ունեցող աուդիտորական կազմակերպությունների վրա (<http://www.accountancyage.com/static/top50-this-year>, <http://accountants.entrepreneur.com/>, <http://www.vault.com/wps/portal/usa/rankings/landing?rankingId=177®ionId=0> կայքերից որևէ մեկում տեղադրված ցանկում ներառված լավագույն 10 աուդիտորական ցանցերի լիիրավ անդամ հանդիսացող կազմակերպություններ):
9. Մինևույն պատասխանատու աուդիտորը չի կարող իրականացնել Բանկի ֆինանսատնտեսական գործունեության աուդիտը, եթե տվյալ ֆինանսական տարվան նախորդող 3 ֆինանսական տարիներին անընդմեջ նա իրականացրել է Բանկի ֆինանսատնտեսական գործունեության աուդիտը:
10. Աուդիտորական կազմակերպությունը Բանկի հետ կնքվող պայմանագրով համաձայնություն է տալիս Կենտրոնական բանկի հրավերով մասնակցելու Բանկի, աուդիտորական կազմակերպության և Կենտրոնական բանկի միջև արտաքին աուդիտի արդյունքների քննարկման համար կազմակերպվող եռակողմ հանդիպմանը:
11. Բանկն անկախ աուդիտորական կազմակերպության ընտրություն կատարելիս առաջնորդվում է հետևյալ չափանիշներով.
 - 1) աուդիտորական կազմակերպության Հայաստանի Հանրապետությունում և/կամ միջազգային ճանաչումը (հեղինակությունը),
 - 2) աուդիտորական կազմակերպության և Աուդիտ իրականացնող խմբի անդամների անկախությունը՝ համաձայն «Աուդիտորական գործունեության մասին» Հայաստանի Հանրապետության օրենքի 12-րդ հոդվածի 4-րդ կետի,
 - 3) Աուդիտ իրականացնող խմբում ներգրավված աշխատակիցների առնվազն կեսը պետք է ունենա աուդիտորական կազմակերպությունում առնվազն 3 տարվա աշխատանքային փորձ և միջազգային հաշվապահական և (կամ) աուդիտորական որակավորման (օրինակ՝ էյ-Սի-Սի-էյ, Սի-Փի-էյ, Սի-Այ-էս-էյ)

	<p style="text-align: center;">Կարգ Անկախ աուդիտորական կազմակերպության ընտրության</p>	<p>Կող: ԿՐԳ 19-01 Խմբագրություն: 03 Դաս: ՆՔ Ամսաթիվ: «26» հոկտեմբերի 2021թ.</p>
---	---	---


փուլերի առնվազն կեսն ավարտած լինելու փաստը հավաստող փաստաթուղթ (վկայական) կամ Հայաստանի աուդիտորների և հաշվապահների ասոցիացիայի կամ Հայաստանի Հանրապետության կառավարության կողմից լիազորված մարմնի կողմից տրված աուդիտորի որակավորումը հավաստող փաստաթուղթ,

- 4) Աուդիտորական կազմակերպության պատասխանատու աուդիտորը պետք է ունենա Ֆինանսական կազմակերպության աուդիտորի առնվազն 3 տարվա աշխատանքային փորձ և առնվազն 5 բանկի կամ ապահովագրական ընկերության աուդիտի իրականացման փորձ և միջազգային հաշվապահական և (կամ) աուդիտորական որակավորման (օրինակ՝ Էյ-Սի-Սի-Էյ, Սի-Փի-Էյ, Սի-Այ-Էս-Էյ) փուլերի առնվազն կեսն ավարտած լինելու փաստը հավաստող փաստաթուղթ (վկայական):

ԳԼՈՒԽ 3. ՀԱՆՁՆԱԺՈՂՈՎԻ ԿԱԶՄԸ ԵՎ ԳՈՐԾԱՌՈՒՅԹՆԵՐԸ

12. Հանձնաժողովի կազմում ընդգրկվում են՝
 - 1) Հանձնաժողովի նախագահ՝ Գործադիր տնօրենի առաջին տեղակալ,
 - 2) Հանձնաժողովի անդամ՝ Գլխավոր հաշվապահ,
 - 3) Հանձնաժողովի անդամ՝ Ներքին աուդիտի վարչության պետ/գլխավոր աուդիտոր,
 - 4) Հանձնաժողովի անդամ՝ Իրավաբանական վարչության պետ,
 - 5) Հանձնաժողովի անդամ՝ Ռազմավարության և մեթոդաբանության վարչության պետ,
 - 6) Հանձնաժողովի քարտուղար՝ Աշխատակազմի ղեկավար:
13. Բանկի բաժնետերերի Տարեկան ընդհանուր ժողովից ոչ ուշ քան 90 օր առաջ Հանձնաժողովը հաստատում է մրցույթի մասին հրապարակային ծանուցման տեքստը (Հավելված 1) և Կարգի 18-րդ կետով սահմանված ժամկետում կատարում է մրցույթի անցկացման մասին հրապարակային ծանուցումը:
14. Հանձնաժողովը Կարգով սահմանված ընթացակարգով և ժամկետներում բացում և գնահատում է մրցույթի հայտերը, ինչպես նաև որոշում է մրցույթի հաղթողին:
15. Հանձնաժողովը վարում է մրցութային հայտերի գրանցամատյան (Հավելված 2):
16. Հանձնաժողովի նիստերն արձանագրվում և Հանձնաժողովի նախագահին ու անդամներին ստորագրման են ներկայացվում Հանձնաժողովի քարտուղարի կողմից:
17. Հանձնաժողովը որոշում է ընդունում ձայների պարզ մեծամասնությամբ, իսկ ձայների հավասար բաշխվելու դեպքում Հանձնաժողովի նախագահի ձայնը որոշիչ է:

ԳԼՈՒԽ 4. ՄՐՑՈՒՅԹԻ ՄԱՍԻՆ ՀՐԱՊԱՐԱԿԱՅԻՆ ԾԱՆՈՒՑՈՒՄԸ

	<p>Կարգ Անկախ աուդիտորական կազմակերպության ընտրության</p>	<p>Կող: ԿՐԳ 19-01 Խմբագրություն: 03 Դաս: ՆՔ Ամսաթիվ: «26» հոկտեմբերի 2021թ.</p>
---	---	---


18. Հանձնաժողովը մրցույթի անցկացման մասին հրապարակային ծանուցումը կատարում է մրցույթի հայտերն ընդունելու վերջնաժամկետից առնվազն 30 օր առաջ:
19. Մրցույթի մասին հրապարակային ծանուցումը կատարվում է նվազագույնը 1000 տպաքանակ ունեցող թերթում և տեղադրվում համացանցի Բանկի տնային էջում:

ԳԼՈՒԽ 5. ՀՐԱՊԱՐԱԿԱՅԻՆ ԾԱՆՈՒՑՄԱՆ ՓՈՓՈԽՈՒԹՅՈՒՆՆԵՐԸ ԵՎ ԼՐԱՑՈՒՄՆԵՐԸ

20. Հանձնաժողովը մրցույթի մասին հրապարակային ծանուցում կատարելուց հետո կարող է կատարել փոփոխություն և/կամ լրացում:
21. Մրցույթի մասին հրապարակային ծանուցման մեջ փոփոխությունները և/կամ լրացումները կատարվում են՝ պահպանելով Կարգի 19-րդ կետի պահանջները՝ մրցույթի հայտերն ընդունելու վերջնաժամկետից առնվազն 10 օր առաջ:
22. Մրցույթի մասնակիցները, մինչև մրցույթի հայտերը ներկայացնելու վերջնական ժամկետի ավարտը, կարող են փոփոխել կամ հետ վերցնել հայտերը: Մրցույթի հայտերի փոփոխությունը կատարվում է՝ ծրարի վրա ավելացնելով «փոփոխում» բառը:

ԳԼՈՒԽ 6. ՄՐՑՈՒՅԹԻ ՀԱՅՏԵՐ ՆԵՐԿԱՅԱՑՆԵԼՈՒ ԿԱՐԳԸ

23. Մրցույթին մասնակցել ցանկացող աուդիտորական կազմակերպությունները, հրապարակային ծանուցման մեջ նշված ժամկետներում, Բանկ են ներկայացնում մրցութային առաջարկությունների երկու փաթեթ՝ երկու ծրարով.
 - 1) առաջին փաթեթը պարունակում է աուդիտորական ծառայության տեխնիկական կողմերին վերաբերվող առաջարկությունները,
 - 2) երկրորդ փաթեթը պարունակում է աուդիտորական ծառայության ֆինանսական կողմերին վերաբերվող առաջարկությունները:
24. Մրցույթի հայտերը ներկայացվում են սոսնձված, կնքված և/կամ ստորագրված ծրարներով:
25. Ծրարների վրա պետք է կատարվեն մրցույթի մասին հրապարակային ծանուցման մեջ նշված մրցույթի հայտի ներկայացման վայրի (հասցեի) և «չբացել մինչև հայտերի բացման նիստը» գրառումները:
26. Մրցույթի հայտը գրանցվում է առանձին գրանցամատյանում՝ ըստ ստացման հերթականության՝ ծրարների վրա նշելով գրանցման համարը, տարին, ամիսը, ամսաթիվը և ժամը:
27. Մրցույթի հայտերն ընդունվում են մինչև հրապարակային ծանուցման մեջ նշված հայտերի ներկայացման վերջին օրվա ժամը 17:00-ն:


	<p style="text-align: center;">Կարգ Անկախ աուդիտորական կազմակերպության ընտրության</p>	<p>Կող: ԿՐԳ 19-01 Խմբագրություն: 03 Դաս: ՆՔ Ամսաթիվ: «26» հոկտեմբերի 2021թ.</p>
---	---	---

28. Բանկը հայտ ներկայացրած մասնակցին տալիս է սահմանված ձևի տեղեկանք (Հավելված 3)՝ մրցույթի հայտն ընդունելու մասին:

ԳԼՈՒԽ 7. ՏԵԽՆԻԿԱԿԱՆ ՀԱՅՏ

29. Տեխնիկական հայտը պետք է ներառի հետևյալ տեղեկատվությունն ու փաստաթղթերը.

- 1) մրցույթի մասնակցի լրիվ անվանումը, պետական գրանցման վկայականի, կանոնադրության, աուդիտորական գործունեությամբ զբաղվելու լիցենզիայի պատճենները, գտնվելու վայրը, հեռախոսահամարները,
- 2) ծառայությունների մատուցման բնութագիրը,
- 3) ծառայությունների մատուցման ժամկետները,
- 4) այն բանկերի ցանկը, որոնց վերջին հինգ տարվա ընթացքում աուդիտորական կազմակերպությունը մատուցել է աուդիտորական ծառայություններ,
- 5) աուդիտորների անունները, ազգանունները, աշխատանքային փորձը, աուդիտորական որակավորման և մասնագիտական վերապատրաստման վկայականների պատճենները,
- 6) Աուդիտ իրականացնող խմբում ներգրավված աշխատակիցների, ներառյալ աուդիտ իրականացնող խմբի ղեկավարի միջազգային հաշվապահական և (կամ) աուդիտորական որակավորման (Էյ-Սի-Սի-Էյ, ՍԻ-ՓԻ-Էյ, ՍԻ-Այ-Էս-Էյ և այլ) փուլերի առնվազն կեսն ավարտած լինելու փաստը հավաստող փաստաթուղթ (վկայական) կամ Հայաստանի աուդիտորների և հաշվապահների ասոցիացիայի կամ Հայաստանի Հանրապետության կառավարության կողմից լիազորված մարմնի կողմից տրված աուդիտորի որակավորումը հավաստող փաստաթուղթ (վկայական),
- 7) Աուդիտորական կազմակերպության պատասխանատու աուդիտորի, միջազգային հաշվապահական և (կամ) աուդիտորական որակավորման (Էյ-Սի-Սի-Էյ, ՍԻ-ՓԻ-Էյ, ՍԻ-Այ-Էս-Էյ և այլ) փուլերի առնվազն կեսը ավարտած լինելու փաստը հավաստող փաստաթուղթ (վկայական),
- 8) Աուդիտորական կազմակերպության պատասխանատու աուդիտորի Ֆինանսական կազմակերպության աուդիտորի առնվազն 3 տարվա աշխատանքային փորձի և առնվազն 5 բանկի կամ ապահովագրական ընկերության աուդիտի իրականացման փորձի վերաբերյալ տեղեկատվությունը,
- 9) աուդիտորական կազմակերպության և Բանկի միջև կնքվելիք պայմանագրով աուդիտորական կազմակերպության կողմից պարտականությունների չկատարման դիսկի դիմաց փոխհատուցման կարգի և վճարի չափի սահմանումը,

	<p style="text-align: center;">Կարգ Անկախ աուդիտորական կազմակերպության ընտրության</p>	<p>Կող: ԿՐԳ 19-01 Խմբագրություն: 03 Դաս: ՆՔ Ամսաթիվ: «26» հոկտեմբերի 2021թ.</p>
---	---	---

10) մրցույթի մասնակցի հայեցողությամբ այլ անհրաժեշտ տեղեկություններ և փաստաթղթեր, որոնք կհաստատեն իր կողմից մատուցվելիք ծառայությունների որակը:

ԳԼՈՒԽ 8. ՖԻՆԱՆՍԱԿԱՆ ՀԱՅՏ

30. Ֆինանսական հայտը պետք է ներառի հետևյալ տեղեկատվությունը.


- 1) ծառայությունների մատուցման ընդհանուր գինը, որը պետք է ներառի բոլոր տեսակի ծախսերը, այդ թվում՝ հարկերը, տուրքերը և այլն,
- 2) ծառայությունների մատուցման դիմաց վճարումների ժամանակացույցը,
- 3) մրցույթի մասնակցի հայեցողությամբ ծառայությունների մատուցման ֆինանսական կողմին վերաբերող այլ անհրաժեշտ տեղեկատվություններ և հիմնավորող փաստաթղթեր:

ԳԼՈՒԽ 9. ՄՐՑՈՒՅԹԻ ԱՆՅԿԱՅՄԱՆ, ՄՐՑՈՒՅԹԻ ՀԱՅՏԵՐԻ ԲԱՅՄԱՆ ԵՎ ՀԱՂԹՈՂԻ ՈՐՈՇՄԱՆ ԸՆԹԱՑԱԿԱՐԳԸ

31. Մրցութային առաջարկությունները գնահատելիս Հանձնաժողովն առաջնորդվում է Կարգով սահմանված պահանջներով և չափանիշներով՝ հաշվի առնելով նաև Բանկի և տվյալ աուդիտորական կազմակերպության միջև նախկինում առկա աշխատանքային փորձը:

32. Մրցութային առաջարկությունները գնահատվում են հետևյալ կերպ.

- 1) Բացվում է ծրարը, գնահատվում է տեխնիկական հայտը՝ համաձայն Կարգի 44-րդ կետի:
- 2) Այն դեպքում, երբ տեխնիկական փաթեթում ներառված առաջարկությունները բավարարում են Բանկի կողմից սահմանված տեխնիկական պայմաններին, մասնակիցների հետագա գնահատումն իրականացվում է Կարգի 46-րդ կետի համաձայն: Այն դեպքում, երբ մասնակիցը հավաքել է 17 և ավելի միավոր տվյալ մասնակիցն անցնում է մրցույթի երկրորդ փուլ, որտեղ գնահատվում են մրցույթի ֆինանսական հայտի պայմանները: Տեխնիկական պայմանների մասով 17 միավորից ցածր հավաքած մասնակցի մրցութային առաջարկությունը մերժվում է և նրա ֆինանսական հայտի ծրարը չի բացվում:
- 3) Տեխնիկական փաթեթում ներառված առաջարկությունների մասով 17 և ավելի միավոր հավաքած մասնակիցները կամ միանձնյա մասնակիցը շարունակում են մասնակցել մրցույթին: Ֆինանսական հայտը գնահատվում է Հանձնաժողովի կողմից:
- 4) Առաջին փուլն անցած մասնակիցների ֆինանսական փաթեթն ուսումնասիրվում է Հանձնաժողովի կողմից մրցույթի երկրորդ փուլում: Գնային առաջարկի վերաբերյալ Հանձնաժողովը կարող է բանակցել երկրորդ փուլ անցած և առավելագույն միավորներ հավաքած երկու մասնակիցների հետ:


	<p style="text-align: center;">Կարգ Անկախ աուդիտորական կազմակերպության ընտրության</p>	<p>Կող: ԿՐԳ 19-01 Խմբագրություն: 03 Դաս: ՆՔ Ամսաթիվ: «26» հոկտեմբերի 2021թ.</p>
---	---	---

Հանձնաժողովը հաղթող է ճանաչում այն մասնակցին, ում գնային առաջարկն ի վերջո կլինի առավել ցածր:

- 5) Առաջին փուլը չանցած մասնակիցների գնային առաջարկները չեն քննարկվում, իսկ նրանց կողմից ներկայացված ֆինանսական փաթեթի ծրարը փակ վիճակում վերադարձվում է մասնակիցներին:
33. Մրցույթի հայտերը բացվում են Հանձնաժողովի նիստում հրապարակային ծանուցմամբ նախատեսված օրը և ժամին:
34. Մրցույթի հայտերի բացման նիստում հրապարակվում են.
 - 1) մրցույթի հայտը ներկայացրած յուրաքանչյուր անձի անվանումը,
 - 2) մրցույթի հայտեր ներկայացնելու համապատասխանությունը հրապարակային ծանուցման պահանջներին,
 - 3) տեղեկատվություն՝ մրցույթի հայտերում փոփոխություններ կատարելու վերաբերյալ:
35. Մրցույթի մասնակիցները կամ նրանց ներկայացուցիչները կարող են ներկա գտնվել մրցույթի հայտերի բացման և մրցույթի հայտերի ամփոփման նիստերին:
36. Մրցույթի հայտերն ամփոփելու օրը Հանձնաժողովը կազմում է մրցույթի արդյունքների մասին արձանագրություն, որտեղ նշվում է.
 - 1) մրցույթի հայտերի բացման, ինչպես նաև մրցույթի հայտերի ամփոփման վայրը, ամսաթիվը, ինչպես նաև Հանձնաժողովի նիստին մասնակցած անդամների անունները և ազգանունները,
 - 2) մրցույթի մասնակիցների անվանումները և գտնվելու վայրը,
 - 3) հավաքած միավորների չափը և մրցույթում հաղթող ճանաչված մասնակցի անվանումը,
 - 4) այլ անհրաժեշտ տեղեկություններ:
37. Հանձնաժողովի անդամի հատուկ կարծիքը ներկայացվում է գրավոր, որը կցվում է արձանագրությանը և համարվում է դրա անբաժանելի մասը:
38. Մրցույթի արդյունքներն ամփոփելու օրը Հանձնաժողովի նախագահը և անդամները ստորագրում են մրցույթի արդյունքների մասին արձանագրությունը:
39. Մրցութային հանձնաժողովը մրցույթի մասնակիցներին մրցույթի արդյունքների մասին գրավոր ծանուցում է երեք աշխատանքային օրվա ընթացքում:

ԳԼՈՒԽ 10. ՄՐՑՈՒՅԹԻ ՀԱՅՏԵՐԻ ՄԵՐԺՈՒՄԸ

40. Մրցույթի արդյունքներն ամփոփելուց հետո 3 աշխատանքային օրվա ընթացքում Հանձնաժողովը մրցութային չհաղթած մասնակիցներին տրամադրում է սահմանված ձևի մերժման տեղեկանք (Հավելված 4)՝ նշելով մերժման հիմնավորումը:
41. Մրցութային առաջարկության մերժման հիմքերն են.
 - 1) տեխնիկական փաթեթում ներառված առաջարկությունների անհամապատասխանությունը Բանկի կողմից սահմանված տեխնիկական

	<p>Կարգ Անկախ աուդիտորական կազմակերպության ընտրության</p>	<p>Կոդ: ԿՐԳ 19-01 Խմբագրություն: 03 Դաս: ՆՔ Ամսաթիվ: «26» հոկտեմբերի 2021թ.</p>
---	---	---

- պայմաններին կամ դրանում անհրաժեշտ տեղեկատվության բացակայությունը,
- 2) ֆինանսական փաթեթում ներկայացրած առաջարկությունների անհամապատասխանությունը Բանկի կողմից սահմանված ֆինանսական առաջարկի պայմաններին կամ դրանում անհրաժեշտ տեղեկատվության բացակայությունը,
 - 3) ֆինանսական փաթեթում ներառված առաջարկությունները Բանկի համար անընդունելի լինելը,
 - 4) մրցույթի հայտը ներկայացվել է հրապարակային ծանուցման մեջ նշված ժամկետի խախտմամբ,
 - 5) Կարգի 8-րդ կամ 9-րդ կետերով սահմանված պահանջները պահպանված չլինելը:

ԳԼՈՒԽ 11. ՄՐՑՈՒՅԹԻ ՉԿԱՅԱՑՈՒՄԸ

42. Հանձնաժողովի կողմից մրցույթը համարվում է չկայացած, եթե.


- 1) հայտ չի ներկայացվել,
- 2) ներկայացված հայտերը չեն համապատասխանում մրցույթի մասին հրապարակային ծանուցման մեջ նշված և/կամ Կարգով սահմանված այլ պահանջներին,
- 3) արտակարգ իրավիճակների պատճառով անհնար է դարձել Հանձնաժողովի աշխատանքների կատարումը,
- 4) մասնակիցների կողմից մրցույթի տեխնիկական փուլի հաղթահարման համար Կարգի 32-րդ կետի 2-րդ ենթակետով պահանջվող միավորներ չհավաքելու դեպքում:

43. Մրցույթի չկայացման դեպքում Հանձնաժողովը 10 աշխատանքային օրվա ժամկետում հայտարարում և իրականացնում է նոր մրցույթ՝ պահպանելով Կարգի դրույթները:

ԳԼՈՒԽ 12. ՄՐՑՈՒԹԱՅԻՆ ԱՌԱՋԱՐԿՆԵՐԻ ՏԵԽՆԻԿԱԿԱՆ ՉԱՓԱՆԻՇՆԵՐԸ ԵՎ ԴՐԱՆՑ ԳՆԱՀԱՏՈՒՄԸ

44. Մրցութային առաջարկների տեխնիկական չափանիշներն ու դրանց գնահատումը կատարվում է հետևյալ եղանակով.

- 1) Աուդիտորական կազմակերպության միջազգային ճանաչումը (հեղինակությունը)՝ գնահատվում է 1-3 միավոր.
 - ա. Միջազգային ճանաչում ունեցող աուդիտորական կազմակերպություն (<http://www.accountancyage.com/static/top50-this-year>, <http://accountants.entrepreneur.com/>, <http://www.vault.com/wps/portal/usa/rankings/landing?rankingId=177®ionId=>

	<p style="text-align: center;">Կարգ Անկախ աուդիտորական կազմակերպության ընտրության</p>	<p>Կող: ԿՐԳ 19-01 Խմբագրություն: 03 Դաս: ՆՔ Ամսաթիվ: «26» հոկտեմբերի 2021թ.</p>
---	---	---

0 կայքերից որևէ մեկում տեղադրված ցանկում ներառված լավագույն 10 աուդիտորական ցանցերի լիիրավ անդամ հանդիսացող կազմակերպություններ)՝ 3 միավոր,

բ. Միջազգային գործունեություն ծավալող ընկերություն, որը չի մտնում <http://www.accountancyage.com/static/top50-this-year>,

<http://accountants.entrepreneur.com/>,

[http://www.vault.com/wps/portal/usa/rankings/landing?rankingId=177®ionId=](http://www.vault.com/wps/portal/usa/rankings/landing?rankingId=177®ionId=0)

0 կայքերից որևէ մեկում տեղադրված ցանկում ներառված լավագույն 10 աուդիտորական ցանցերի լիիրավ անդամ հանդիսացող կազմակերպությունների մեջ՝ 2 միավոր,

գ. Միայն ՀՀ-ում գործունեություն ծավալող ընկերություն՝ 1 միավոր:

2) Աուդիտորական կազմակերպության աշխատանքային փորձը գնահատվում է 1-ից 3 միավոր.

ա. 11 տարի և ավելի՝ 3 միավոր,

բ. 8-ից մինչև 11 տարի՝ 2 միավոր,

գ. 5-ից մինչև 8 տարի՝ 1 միավոր:

3) Աուդիտի աշխատանքներին մասնակցող աշխատողների որակավորման մակարդակը և աշխատանքային փորձը գնահատվում է 1-ից 2 միավոր: Գնահատելիս հաշվի է առնվում բանկային աուդիտի բնագավառում աշխատանքային փորձն ու ստաժը.

ա. Աուդիտ իրականացնող խմբի անդամներից կեսից ավելին ունեն մինչև 5 տարի՝ 1 միավոր,

բ. Աուդիտ իրականացնող խմբի անդամների կեսից ավելին ունեն 5 տարի և ավելի՝ 2 միավոր:

4) Աուդիտի աշխատանքներին մասնակցող աշխատակիցների՝ ներառյալ Աուդիտորական կազմակերպության պատասխանատու աուդիտորի, Աուդիտ իրականացնող խմբի ղեկավարի նվազագույնը 50%-ը պետք է ունենան միջազգային հաշվապահական և (կամ) աուդիտորական որակավորում (Էյ-Սի-Սի-Էյ, Սի-Փի-Էյ, Սի-Այ-Էս-Էյ և այլ), որից գերազանցումը գնահատվում է հետևյալ կերպ.

ա. 50-65%՝ 1 միավոր,

բ. 66-85%՝ 2 միավորում,

գ. 86% և ավելի՝ 3 միավոր:


5) Աուդիտորական եզրակացության և/կամ հաշվետվության ներկայացման ժամկետները գնահատվում են առավելագույնը 2 միավոր, հետևյալ կերպ.

ա. աուդիտի ավարտից 10 աշխատանքային օր՝ 2 միավոր,

բ. աուդիտի ավարտից 11-20 օր՝ 1 միավոր,

գ. աուդիտի ավարտից 21 օր և ավելի՝ 0 միավոր:

6) Աուդիտի անցկացման ժամկետները գնահատվում են 1-3 միավոր հետևյալ կերպ.

	<p>Կարգ Անկախ աուդիտորական կազմակերպության ընտրության</p>	<p>Կող: ԿՐԳ 19-01 Խմբագրություն: 03 Դաս: ՆՔ Ամսաթիվ: «26» հոկտեմբերի 2021թ.</p>
---	---	---

ա. մինչև 20 աշխատանքային օր ներառյալ՝ 3 միավոր,
բ. 21-25 օր՝ 2 միավոր,
գ. 26 և ավելի՝ 1 միավոր:

7) Մասնագիտական գործունեության ձախողման համար մասնագիտական ռիսկի ապահովագրության առկայության և դրա ծածկույթի մեծության կամ պայմանագրային պարտականությունների չկատարման այլ կերպ փոխհատուցելու ծածկույթի մեծության ազդեցությունը (ներկայացվում է մրցույթի մասնակցի կողմից) գնահատվում է պայմանագրի գումարի նկատմամբ 1-ից 3 միավոր, կախված մինչև 5 տարվա ժամանակահատվածում աուդիտի եզրակացության որևէ դրույթի սխալի, անճշտության կամ խեղաթյուրման փաստի ի հայտ գալու դեպքում, պայմանագրային արժեքի.

ա. 5%՝ 1 միավոր
բ. 10%՝ 2 միավոր
գ. 15% և ավելի՝ 3 միավոր:

8) Աուդիտորական կազմակերպության Հայաստանի Հանրապետությունում ճանաչվածության աստիճանը (հեղինակությունը)՝ գնահատվում է 1-2 միավոր, Հանձնաժողովի սուբյեկտիվ հիմնավորմամբ:


ԳԼՈՒԽ 13. ՄՐՑՈՒԹԱՅԻՆ ԱՌԱՋԱՐԿՈՒԹՅՈՒՆՆԵՐԻ ՖԻՆԱՆՍԱԿԱՆ ՉԱՓԱՆԻՇՆԵՐԸ ԵՎ ԴՐԱՆՑ ԳՆԱՀԱՏՈՒՄԸ

45. Մրցութային առաջարկությունների ֆինանսական փաթեթի մասով մրցակցությունը շարունակում են այն մասնակիցները (մասնակիցը), ովքեր տեխնիկական փաթեթի առաջարկության մասով հավաքել են 17 և ավելի միավոր (առավելագույն հնարավոր 21 միավորից): Նշված մասնակիցներն անցնում են երկրորդ փուլ:

46. Մրցույթի երկրորդ փուլում ուսումնասիրվում է առաջին փուլն անցած մասնակիցների կողմից առաջարկվող ֆինանսական փաթեթը: Ընդ որում, Հանձնաժողովը կարող է բանակցել երկրորդ փուլ անցած տեխնիկական չափանիշների գնահատման արդյունքում առավել միավոր հավաքած երկու մասնակցների հետ՝ գնային առաջարկի վերաբերյալ: Հաղթող է ճանաչվում այն մասնակիցը, ում գնային առաջարկն ի վերջո կլինի առավել ցածր:

ԳԼՈՒԽ 14. ԵԶՐԱՓՈՒԿԻՉ ԴՐՈՒՅԹՆԵՐ

47. Մրցույթի արդյունքներն ամփոփելիս Հանձնաժողովը հաշվի է առնում Բանկի տարեկան բյուջեով սահմանված աուդիտորական ծառայության վճարի առավելագույն ընդունելի մեծությունը: Եթե առաջարկները գերազանցում են նշված մեծությունը, ապա Բանկը կարող է իրականացնել նոր մրցույթ:

	<p style="text-align: center;">Կարգ Անկախ աուդիտորական կազմակերպության ընտրության</p>	<p>Կոդ: ԿՐԳ 19-01 Խմբագրություն: 03 Դաս: ՆՔ Ամսաթիվ: «26» հոկտեմբերի 2021թ.</p>
---	---	---

48. Հանձնաժողովը մրցույթի արդյունքներն ամփոփելուց հետո եռօրյա ժամկետում կայացած մրցույթի վերաբերյալ բոլոր անհրաժեշտ փաստաթղթերը ներկայացնում է Բանկի Վարչությանը, որը դրանք ստանալուց հետո 10 օրյա ժամկետում հրավիրում է նիստ և կայացած նիստի արդյունքներով եզրակացություն է տալիս Բանկի Խորհրդին, իսկ վերջինս որոշում է կայացնում մրցույթում հաղթած աուդիտորական կազմակերպությանը Բանկի բաժնետերերի Տարեկան ընդհանուր ժողովի հաստատմանը ներկայացնելու վերաբերյալ:
49. Եթե Ընդհանուր ժողովը չի հաստատում աուդիտորական կազմակերպությանը, ապա Հանձնաժողովը 10 աշխատանքային օրվա ժամկետում հայտարարում և իրականացնում է նոր մրցույթ՝ պահպանելով Կարգի դրույթները:
50. Մրցույթի մասին հրապարակային ծանուցման պահից Բանկը հնարավորություն է ընձեռում մասնակիցներին ծանոթանալու Կարգին:

ԲԱԺԻՆ III. ՊԱՏԱՍԽԱՆԱՏՎՈՒԹՅՈՒՆԸ ԿԱՐԳԻ ՊԱՀԱՆՋՆԵՐԸ ԽԱԽՏԵԼՈՒ ՀԱՄԱՐ, ԵԶՐԱՓԱԿԻՉ ԴՐՈՒՅԹՆԵՐ

ԳԼՈՒԽ 1. ՊԱՏԱՍԽԱՆԱՏՎՈՒԹՅՈՒՆԸ ԿԱՐԳԻ ՊԱՀԱՆՋՆԵՐԸ ԽԱԽՏԵԼՈՒ ՀԱՄԱՐ

51. Կարգով սահմանված գործընթացներում ներգրավված Բանկի աշխատողներն անհատական պատասխանատվություն են կրում Բանկի ներքին իրավական ակտերով, նրանց հետ կնքված աշխատանքային և նյութական պատասխանատվության պայմանագրերով՝ Կարգով նրանցից յուրաքանչյուրի համար սահմանված աշխատանքային պարտականությունները ճշգրիտ և պատշաճ չիրականացնելու համար:

ԳԼՈՒԽ 2. ԵԶՐԱՓԱԿԻՉ ԴՐՈՒՅԹՆԵՐ

52. Կարգի պահանջների պահպանման նկատմամբ հսկողությունն իրականացնում է Բանկի Աշխատակազմի ղեկավարը, իսկ վերահսկողությունը՝ Ներքին աուդիտի վարչությունը: